

49 añ pasa

Aruba e unico di e hemisferio aki cu a mira y sinti e 2a Guerra Mundial...



Despues di e segunda guerra mundial cual a cuminsa na 1939 y a mira su fin na 1945. Reunion di e grandinan a tuma lugar, unda a sinta na Yalta e tres grandinan. Franklin Delano Roosevelt pa Merca, Jozef Stalin pa Union Sovietica, y Winston Churchill pa Inglatera. E topico di e reunion riba peticion di Roosevelt tabata pa mantene un paz mundial. Despues di esaki a ser lanta Nacionnan Uni. Pero e paz tan desea no a dura di e tanto ey, ya cu a bini esun di Vietnam, Cambodia y otro dor di lantamento y golpinan militar pa yega na poder. Pero nos dushi isla di Aruba un di e lugarnan mas pacifico y di mas estabilidad cu por tabatin, no por a biba pensa cu un dia e por yega na tuma parti of bira uno cu lo mira guerra dilanti di su porta. Esaki a tuma lugar maske cu no tabata den un escala mayor, pero si a resulta di ta e unico den e hemisferio aki, cu a mira y sinti algo di e segunda guerra mundial. Motivo di esaki ta debi na e yudanza cu e aliadonan tabata ricibi for di e refineria di Lago cu tabata contribui cu seis di e diez barrinan di combustible pa e aliadonan por a bringe e enemigo. Mirando esaki Adolf Hitler a manda traha submarinonan na Kiel, pa cu esaki nan sali pa den e mar caribe y trata na destrui e refineria y e transportacion di e tankernan cu tabata trece e petroleo pa Lago. E submarino U-156 bao

e U-156 ora cu e bombardan cu tabata establece riba nos aeropuerto a tira depth charges riba esaki un tanto milla for di e costa di Barbados y por a facilita Esso News e tempo ey, y e redactor Bill Hochstul a publica tocante di esaki, cual awe nos por tin mas informacion di esaki. E prome atake di un di e cinco submarinonan cual tabata e U-156 nan a los e prome torpedo riba e lake-tanker Pedernales. Aruba a conoce blackout, nos jovennan a ser yama pa servicio militar, despues di e vrijwillernan. Na waf di Eagle tabatin un tanker cu e number di Arkansas, y esaki tambe a ricibi un torpedo den su barrica pero debi cu e tabata bashi tur loke a keda tabata un buraco grandi. E otro torpedo a pasa pariba di e waf y bin drumi riba e santo blanco. Pa su dia siguiente a bini un monteur for di Corsow, perteneciente na e Korps Mariniers pa desmantela esaki. Dos di nos hendenan tabata a forma parti di e team pa e trabao aki. Pero un error a ser cometi na e trabao y esaki a explota matando cuatro y lagando dos di nos hendenan afecta te cu e dia di awe cu nan oido. Nan suerte tabata cu net na e momento di pone e hermentnan (schop, etc) den e truck e explosion a tuma lugar. E dosnan aki tabata Bremer cu Kock y cu te cu e dia di awe, ta bringando pa sikiera un compensacion di nan gasto haci pa nan recuperacion di e incidente ey. Den Boerhaavestraat na e prome santana catolico banda di pabao, ainda por ser mira e grafnan di esnan cu a cai den e segunda guerra mundial, esta di e incidente fatal, esta e explosion di e torpedo cu a corta laman for di e submarino aleman U-156. Na nos vlieg-veld ainda ta visto un kazernmat, y na unda e waf di Eagle tabata y caminda e torpedo cu a hera e bapor a bin drumi, e lugar awe ta yen di mat'i coco y turistanan tumando nan baño di solo. No tin torpedo pa ser mira, pero nomas turistanan buscando e color di mispel, y exhibiendo e dos letternan T. Na 1944 nos tabatin e bishita di e señora di Franklin D. Roosevelt, esta Eleanor Roosevelt, e primera dama di Merca, contribuyendo na e trabao di su esposo. E president di Merca, Roosevelt cu a sinta cuatro periodo, poco dia despues di e reunion di e tres



di e comando di Werner van Hartenstein (32) cu nunca a casa pero si tabata casa cu laman. E tripulacion di e submarino tabata jovennan di apenas 16 aña di edad. E Lt. Dietrich van dem Borne tabata e segundo oficer di e U-156. E a resulta di tabata e unico sobreviviente di e tripulacion di

Esaki ta e torpedo cu a bin drumi pariba di e waf di Eagle. E kapitein Van der Spek (uniform berde) ta observando hunto cu e monteur. Durante e desmantelacion e dia siguiente esaki a explota y mata cuatro, y herida otro dos cu ta sinti e efecto di e explotacion te cu e dia di awe. Y sin sikiera haya un compensacion te cu e dia di awe.



Esaki ta Pedernales e prome tankero cu a ser torpedea. Maske cu el a ser explota y kimá, asina mes nan a tow ey trece Oranjestad, pa despues Lago tow e dia siguiente.



grandinan na Yalta, el a fallece. Hitler mesora a tuma esaki como un victoria di su parti. Hasta un cuadro a ser pinta di con e submarinonan ta torpedeando Aruba. Con cu bo miré e waf di Eagle tambe por ser considera como un di nos monumentonan y parti di nos historia. Pero poco tabata e conecemento di loke ta un monumento. Y asina tambe hopi otro edificionan riba nos cu por a ser mantene como monumento a ser basha abao, o cambia pa un otro cu no ta un monumento. Durante e atake cu nan kier a realiza riba Lago, un di e shelnan di e cañon a rebota contra di e tanki 112 pa despues bay dal den un cas den Tank Farm pero sin resultado serio. Lt. van dem Borne bordo di e

submarino a sufrí un accidente ora cu nan a lubida di kita e tapa di e boca di e cañon y asina esaki a sufrí lesion serio na su pia. No a keda otro recurso cu baha esaki na Martinique, y cu awe nos por ta dispone di tur e informacionnan cu nos ta ofrece riba e dia di awe, di un historia di 49 añ pasá. Awor cu e guerra na e Golfo, no cabe duda cu tin pensamiento riba esaki, mas tanto pa esnan cu a biba cuné Hulanda mes den oranan di madrugada na 1940 a ser invadi dor di e alemanan, y na e mesun momento tambe riba Belgica. Aruba tin su historia como e unico den Mar Caribe cu a mira Segunda Guerra Mundial dilanti di su porta. Nos hendenan mas tanto na San Nicolas a corre busca

refugio na otro partinan di nos isla pa keda mas leu for di e refineria. Aruba tabata na peligro grandi, ya cu despues a drenta na e consigne di e U-156 pa basha bala riba Aruba y laga esaki plat. Pero un biaha mas, manera hopi ta bisa y pensa cu nos ta un isla bendicioná, y ohala cu tur por comprende esaki y trata na mantene asina.



Un di e balanan di cañon di e submarino cu a rebota contra di e tanki 112, dia 16 di Februari di 1942, un rato despues di 12'or anochi.

Esaki ta e cambio di e lugar unda 49 aña pasá e torpedo a drumi pa despues causa morto di cuatro mariniers. Awe e ta un atraccion turistico unda cu esaki ta tumando nan baño di solo den e forma TT.

Na Maart 1944, Sra. Eleanor Roosevelt, e primera dama a haci un bishita den Lago cerca e presidente Lloyd G. Smith. Escolta pa dos soldat americano.

